

## UGOVORA O JAVNOJ NABAVCI USLUGA

Zaključen dana 20.02.2020. godine u Sarajevu između:

**KJP „Sarajevo-šume“ d.o.o. Sarajevo, ul. Maršala Tita 7/II** (u daljem tekstu: **Osiguranik**), koga zastupa Direktor Preduzeća **Joldo Amir, dipl. ecc.**

i

**„Sarajevo Osiguranje“ d.d. Sarajevo**, sa sjedištem u Sarajevu, ul. Maršala Tita 29, registrovano kod Općinskog suda u Sarajevu, Aktuelni izvod iz sudskog registra: 065-0-RegZ-20-000414 od 17.01.2020. godine; identifikacioni broj: 4200326930001; PDV broj: 200326930001 (u daljem tekstu: **Osiguravač**) koga zastupa direktor **Kulić Arif**.

(u daljem tekstu : **Ugovorne strane**)

### Član 1.

Predmet ovog Ugovora je javna nabavka usluga za potrebe Osiguranika u 2020. godini, i to:

***Kolektivno kombinovano osiguranje zaposlenika od posljedica nesretnog slučaja-nezgode pri vršenju i izvan vršenja redovnog zanimanja (mjesečna premija po jednom zaposleniku)***

a u svemu prema ponudi Osiguravača protokolisanom kod Osiguranika pod brojem: 0103-3609-8/19 od 29.01.2020. godine i obrascu za cijenu ponude, koji su prilog ovog Ugovora i njegov sastavni dio.

Ukupna vrijednost robe iz prethodnog stava iznosi **19.152,00 KM**, bez uključenog iznosa pripadajućih indirektnih poreza, odnosno PDV-a.

### Član 2.

Ovaj Ugovor se zaključuje na osnovu Zapisnika sa otvaranja ponuda za javnu nabavku usluga, broj:0103-3609/19 za Kolektivno kombinovano osiguranje zaposlenika od posljedica nesretnog slučaja-nezgode pri vršenju i izvan vršenja redovnog zanimanja (mjesečna premija po jednom zaposleniku), broj: 0103-3609-12/19 od 30.01.2020. godine, Zapisnika o pregledu i ocjeni ponuda, broj:0103-3609-13/19 od 30.01.2020. godine, pravosnažne Odluke o izboru najpovoljnijeg ponuđača, broj:0103-3609-14/19 od 01.02.2020. godine.

### Član 3.

Osiguravač se obavezuje da u skladu sa prihvaćenom ponudom, broj: 0103-3609-8/19 od 29.01.2020. godine dostavi police osiguranja po općim i posebnim uslovima osiguranja za svaki osigurani slučaj iz člana 1. ovog Ugovora i to odmah po potpisivanju Ugovora.

Pojedinačne police osiguranja sa opštim i posebnim uslovima osiguranja iz predhodnog stava potpisuju obje ugovorne strane i sastavni su dio ovog ugovora.

Osiguravač se obavezuje da će Osiguraniku dostavljati mjesečne izvještaje o isplati šteta.

### Član 4.

Osiguravač se obavezuje da će naknadu štete u skladu sa ovim Ugovorom i Policom osiguranja isplaćivati u roku od 1 (jednog) dana od dana prijema zahtjeva Ugovornog organa, odnosno kompletiranja dokumentacije, a u skladu sa Izjavom koju je dostavio u ponudi broj: 0103-3609-8/19 od 29.01.2020. godine.

### Član 5.

U slučaju kašnjenja u isporuci usluga, do kojeg je došlo krivicom Osiguravača, isti će platiti ugovornu kaznu u skladu sa Zakonom o obligacionim odnosima u iznosu od 1 % Osiguraniku (vrijednosti ugovorenih usluga) za svaki dan kašnjenja do urednog ispunjenja, s tim da ukupan iznos ugovorne kazne ne može prijeći 10% od ukupne ugovorene vrijednosti predmetnih usluga. Osiguravač je dužan platiti ugovornu kaznu u roku od 7 dana od dana primanja zahtjeva za plaćanje od strane Osiguranika.

### Član 6.

Ugovorne strane su saglasne da su prihvaćene jedinične cijene koje je Osiguravač dao u svojoj ponudi bez uračunatog PDV-a i da su iste nepromjenljive u skladu sa Izjavom datom ponudi broj: 0103-3609-8/19 od 29.01.2020. godine.

### Član 7.

Osiguravač se obavezuje da će u roku od 15 (petnaest) dana od potpisivanja ovog Ugovora dostaviti bezuslovnu bankarsku garanciju poslovne banke za dobro izvršenje posla u visini od 10% od ugovorene vrijednosti javne nabavke, koja će poslužiti za pokrivanje svake štete i troškova koje Osiguranik može imati ukoliko Osiguravač prekrši Ugovor od potpisivanja do njegovog ispunjenja u cjelosti. Garancija treba da bude validna na period trajanja ugovora plus 30 dana. Ukoliko Osiguravač ne dostavi bezuslovnu garanciju, zaključen ugovor će se smatrati apsolutno ništavim.

### Član 8.

Ugovorne strane su saglasne da Osiguranik Osiguravaču premije osiguranja iz člana 1. ovog Ugovora plati u roku od 60 (šezdeset) dana.

Plaćanje će se vršiti na transakcijski račun Osiguravača, broj: 338730-2238311567 otvoren kod Unicredit banke.

### Član 9.

Za realizaciju ovog Ugovora u ime Osiguranika zadužuje se Izvršni direktor Oblasti za opšte poslove.

### Član 10.

Za praćenje realizacije ovog Ugovora u ime Osiguranika zadužuje se Služba za marketing i komercijalne poslove.

### Član 11.

Osiguravač u svrhu izvršenja ovog Ugovora nema pravo zapošljavati fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica kojeg je angažovala Stalna Komisija za javne nabavke Osiguranika, najmanje 6 (šest) mjeseci po zaključenju Ugovora, odnosno od početka realizacije Ugovora.

### Član 12.

Na sve što nije regulisano ovim Ugovorom primjenjuju se odredbe Zakona o obligacionim odnosima F BiH.

### Član 13.

Sve eventualne sporove po ovom Ugovoru ugovorne strane rješavat će sporazumno, a ako to ne bude moguće u slučaju spora po ovom Ugovoru nadležan je Općinski sud u Sarajevu.

### Član 14.

Ovaj Ugovor stupa na snagu danom potpisivanja od strane obje Ugovorne strane i traje do 31.12.2020.godine.

### Član 15.

Ovaj Ugovor je sačinjen u 7 (sedam) istovjetnih primjeraka od kojih 5 (pet) zadržava Osiguranik, a 2 (dva) primjerka Osiguravač za svoje potrebe.

Za Osiguravača  
Direktor

Kulić Arif



Za Osiguranika  
Direktor

Julio Amir, dipl. ecc.

Izvršni direktor Oblasti za šumarstvo

Tabaković Rizo, dipl.ing.šum.

Izvršni direktor Oblasti za opšte poslove

mr. sci. Muamer Bešlija



Broj: 01-1239/20  
Datum: 26.02.2020. godine

Broj: 0103-3609-16/19  
Datum: 20.02.2020. godine